

## U tarramotu, a Matr'î-Mmràculi e l'ottimisimu

ri Vastiànu Lo Iacunu (in anticu dialettu sicilianu mištrittisi)

«L'unnici ri jnnàru fora stòrna  
cu n'ira ri Ddiu rann'e superna;  
n tiempu fti uri vitti novi jòrna:  
vitti Ggiurizziu, Paràrisu e Nfièrnu».

Era u Millisecièntunovantafrè e frimàu menza Siggilia. A scossa -ricica- ruràu quatfru minuti. Siracusa, Avola, Sortinu e Lentini fuòru stinnicchjati: e, ri nna ssi parti, cci fuòru quatfru mila muòrti. Sul'a Catania ci nni fuòru 18 mila, e c'è cu scrissi ca fuòru sissantamila n tuttu.

E cci fùì purèmma cu fici crirri e scriviu ca “**na manu ri Ddiu, ranni e superna, vinnicativa e biffarda, fici ggiustizzia ri nuòstfrì piccatazzi**”.

N'àfru ddilliviu, mPalermu e a Missina, ci fùì ô primu ri sittièmmiru rù Millisettièntuvintisii; n'àfra pocaliss'e-fin'î-munnu ci fùì ô 1783, quannu, tannu, ci fuòru ducièntucinghanta muòrti, e casi, casuzzi, casazzi e palazzuna fuòru risfrutti.

A Siggilia, tirrazza ballarina, avia frimatu pur'ô 1169, ô 1542, ô 5 jnnaru 1673, fin'a scossa ranni ri Missina, rù 1908, ô 28 ricièmmiru, è quatfr'e-bbinti ri matina, quann'î muòrti fuòru, Ddiu ni nni scanzàssi ognura!, fra 90 e 120 mila.

L'abbissu s'arripitù ô frintunu r'ottuòviru rù 1967, a Mištrèttu, cinghantannazzi addièfru, ma muòrti n ci nni fùì mancu miènz. Nuòdu ca fùì mannatu a li perfunni...

Ô Belice, tra u 14 e u 15 jnnaru 1968 (Gesuzzu, nca sempr'a-gghjnnaru!), i muòrti fuòru 400 e a scossa fùì ri magnitudu 6,4.

U sùì maggiu 1976, iu scriventi, er'ô Friuli: a Attimis, vicinu Tarcentu, ca è-bbicinu Udini; u terramotu ruràu 59 secunni, magnitudu 6,5, e ci fuòru 990 vittimi. Ssa utazza era pròpia dda. E quannu carierà cas'e casermi, rissi a-bbucjàuta: “**Marunnuzza rî Mmràculi, ajutimi tùni!**”.

Mi rèttiru pi-mmuòrtu pariènti e amici. Sulu ruòppu fti gghjorna arriniscii a telefonar'â casa. Me matuzz'arriñgraziau a **Marunnuzza**, e nni mittemm'a chjancir'ô tilefunu.

Avia, tannu, tanti cullèa rù Venetu, unni murazza-murazza c'era scrittu “Forza Juvi!, Forza Inter!, Forza Hitler! e purèmma Forza Etna!”, e tutti m'a dduumannaru raccussì: “**Cossa ghe zè c'hai dito: Madonna, come?...**”.

Quannu, ruòppu reci minutazzi, finièru ri frimarimi rinocchja e spada, cci rissi: “**A Matrì rî Mmràculi, chiddu rù me' paisi!**”.

E cci cuntai pui ca, ô 1755, ô Portugallu, a Lisbona, u primu ri nuvièmmiru ci avia statu n'a fra scossa, cù maremotu cumpresu, ri magnitudu circa novi, e si cuntaru, n fra se' minuti r'abbissu, fin'a 60-100 mila muòrti. Ssa utazza, siccuòmu era miènz scrittiriàtu (ma no miscrirenti!) a ddi cullèa rù Venetu, ca èrinu e sunu bastimmiatura ri cutinùu, ci cuntai ri ddu libbru ri Voltaire, **Càndidu e l'ottimisimu**, ca sfutt'a Leibniz, ca, nunustanti tutti ddi murtazzi, sustinìa ca **u munnu eri u stissu u mieggghju ca ci fussi**. E nni mittèm'a scaccaniàri: ... picchè n-finènnu a li perfunni!

Cinquantanni fa, avia fririci anni: quannu tannu mi riciènu, e mu rìcinu ancora, Friricinu. Ora nn'haj' u dduppiu rà frintina: e cu cci-arriva ô dduppiu rà cinghantina! ...

M'arriuòdu puru ca dda sira, a talavisioni c'era nfirm ca mi facia scantari, ca pallava rà fini rù munnu: si sintìa na vuci forti e tunanti rù cièlu ca ricìa, appuntu, accussì: “Alle ore 18 comiuncia il Giudizio Universale!”. Pi precisioni era **U ggiurizziu universali (Il giudizio universale, 1961)**, ri Vittorio De Sica, e-gghj'era scrittu ri Cesare Zavattini.

Dda sira, era na mala sirata: chjuvìa e c'era vintazzu forti ri frammuntana. Frimàvinu i vifrini e l'atièttira. U vièntu facìa: Uuuuuuh!, Uuuuuuh! E-ppui si sintiu n fruònu ca fici: fruuunnn”

Era u 31 r'ottuòviru, e-gghj'èr'a viggilia r'iri ô Campusantu: tannu m'arriuòrdu ca c'era nu ziànu miu paternu, prontu pi gghj'èr'ô cimiteru: uòggghju riri pi purtari çiuèri e lumini è me' nanni, vah!

Scappemmu pi-ffora e ni-nni jèmm'ô tunn'â chjazza: chjuvìa e timpistiàva. Nni nfilèmmu setti cristiani rin fra na Cincucièntu: cuòmu mèttiri n'elefanti rin fra na furmicula!

*Ci fuòru sfullati ca, l'unnumani, si nni jèru campagni-campagni, com'ê tiemp'î verra, quannu i cruccazzi girmanisi bumardàvinui paìsi. Si sfasciàru squàsica tutt'i chjèsi e carièru tièttira e campanara. Vinniru pumpera e carrabunera, ministri, prifetti e anurevoli, talivisioni e-ggiurnalista. Ma mmuòrti n-ci-nni fùì mancu unu.*

*A **Maṭṭuzza ri Mmràculi** nnni castiàu. E-ppuru ca siànnu e ca simu piccatura, mancu ssa utazza u **Signiruzzu** nni mannàu a li "**perfunni**"...: picchè u nuòṣṭru munnu fùì fattu e-gghj'è fattu ô miègghju ca c'èni...*